

## Aneks 1

### Smjernice za aplikante za Core grantove

Referentni broj poziva: SB BiH CG 02/23

#### Pozadina:

Albanija, Bosna i Hercegovina, Kosovo, Crna Gora, Sjeverna Makedonija i Srbija, kao zemlje korisnice projekta SMART Balkan, čine geografski region u kojem su ove zemlje povezane politički, kulturno i historijski.

Jačanje kapaciteta OCD u regiji, kroz poboljšanje saradnju civilnog društva i vlasti i kroz izgradnju regionalnih partnerstava na svim nivoima u svrhu povećanja uticaja koji građani i građanke imaju u procesima donošenja odluka će doprinjeti željenoj promjeni u stvaranju mirnih i inkluzivnih zajednica na Zapadnom Balkanu koje će promovisati održivi razvoj u svojim društvima.<sup>1</sup>

SMART Balkan projekat nastoji smanjiti jaz između svih aktera civilnog društva i podstaknuti organizacije civilnog društva da vrate i/ili zadrže svoj fokus djelovanja koji je u skladu sa osnovnom misijom organizacije kroz alat za finansiranje djelovanja – Core grant.

#### **Cijevi**

Opšti cilj projekta SMART Balkan je da doprinese jačanju participativnih demokratija i evroatlanstkih integracija na Zapadnom Balkanu kroz osnaživanje organizacija civilnog društva i mreža OCD za snažniju i aktivniju ulogu u stvaranju mirnih i inkluzivnih društava za održivi razvoj u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji.

Očekivani rezultati projekta SMART Balkan su:

- Snažnije, održivije i dinamičnije OCD u šest zemalja regije Zapadnog Balkana
- Razvoj snažnih regionalnih partnerstava organizacija civilnog društva sa Zapadnog Balkana sa njihovim kolegama u EU
- Povećana efikasnost uticaja građana i građanki na promjene kroz OCD koje promovišu sigurnost i stabilnost i upravljanje u regiji Zapadnog Balkana
- Povećana svijest javnosti o važnosti aktivnog učešća civilnog društva u značajnim razvojnim inicijativama u regiji Zapadnog Balkana

---

<sup>1</sup> u skladu sa implementacijom Cilja održivog razvoja 16: Promovisati mirna i inkluzivna društva za održivi razvoj, osigurati pristup pravdi za sve i izgraditi efikasne, odgovorne i inkluzivne institucije na svim nivoima

### **Tematska područja**

Core grantovi, osim finansijske podrške, organizacijama pružaju priliku da kroz prilagođene treninge i mentorsku podršku unaprijede kapacitete organizacije i osoblja, kako bi svoj strateški uticaj multiplicirali i bili korak bliže održivosti organizacije.

Ovaj pristup oslobađa OCD od pritiska kojeg kreira kratkoročno finansiranje projekata, omogućava da se OCD fokusira na prioritete korisnika i korisnica, a da pri tome slijede svoju misiju i rade na ostvarenju definisanih ciljeva. **Stoga, ova vrsta granta je namijenjena organizacijama civilnog društva koje ostvaruju značajan uticaj u oblastima sigurnosti i stabilnosti i upravljanja i imaju potencijal za još veći uticaj u zajednici.**

### **Vremenski okvir za provedbu projekta**

Predviđeni period trajanja podrške kroz Core grant je 24 mjeseca. Core grantovi će finansijski podržati rad organizacije civilnog društva **kroz dvije uzastopne fiskalne godine.**

### **Finansijski okvir**

Core grantovi u okviru ovog poziva će biti dodijeljeni za **3** organizacije civilnog društva **u Bosni i Hercegovini**. Pojedinačni iznos predviđen za core grant je u rasponu od 306,000 NOK do 1,020,000 NOK (cca. 30.000 - 100.000 EUR). Iznos grantova će biti određen na osnovu kapaciteta OCD, plana razvoja i operativnog budžeta koji uključuje sve troškove koje organizacija ima, čak i one koji ne spadaju u očekivane troškove koji će biti podržani kroz SMART Balkan kao i rezultati samoprocjene organizacije.

### **PRIHVATLJIVOST APLIKANATA**

Core grantovi su namijenjeni OCD, koje su ostvarile važan uticaj u područjima sigurnosti i stabilnosti i/ili upravljanja i imaju potencijal za još veći uticaj u zajednici.

Aplikanti moraju biti registrovani<sup>2</sup> na Grants Management Platformi—  
<https://gmp.smartbalkansproject.org/>

Da bi zadovoljili uslove za prijavu, aplikanti moraju<sup>3</sup>:

- Biti pravno lice i
- Neprofitna organizacija i

---

<sup>2</sup> Proces registracije nije automatski i može trajati nekoliko dana. Preporučeno je da se započne sa registracijom minimalno 10 dana prije roka.

<sup>3</sup> Organizacije civilnog društva, asocijacije i fondacije registrovane u Bosni i Hercegovini u skladu sa sljedećim zakonima:

a) Zakon o udruženjima i fondacijama BiH

b) Zakon o udruženjima i fondacijama FBiH c) Zakon o udruženjima i fondacijama RS

d) Zakon o mladima

- Organizacija civilnog društva (OCD) koja djeluje na jednom ili više tematskih područja koje odgovaraju ovom pozivu, sa izuzetkom vjerskih i političkih organizacija kao i lokalnih ogranaka međunarodnih organizacija i
- Biti osnovani u Bosni i Hercegovini i
- Imati minimalno 3 godine iskustva u područjima koja su predmet ovog poziva i
- Biti pretežno zagovarčki orijentisani

Pravna lica i pojedinci koji se nalaze na Konsolidovanom spisku osoba, grupa i subjekata EU koji podliježu finansijskim sankcijama EU ([www.sanctionmaps.eu](http://www.sanctionmaps.eu)), Ureda za kontrolu strane imovine ("OFAC") <https://sanctionssearch.ofac.treas.gov/>, Ministarstva finansija SAD-a i na Spisku sankcija Ujedinjenog Kraljevstva <https://docs.fcdo.gov.uk/docs/UK-Sanctions-List.html> nisu kvalifikovani da se prijave na ovaj poziv.

## **PROCES PRIJAVE**

Da bi se odabrale odgovarajuće organizacije za finansijsku podršku i da bi se optimizirao proces izbora, prijave za core grantove će imati dva koraka:

- 1) Faza odobravanja prijave - na osnovu prijave koje su podnijeli aplikanti, uključujući popunjen upitnik za samoprocjenu organizacije (što predstavlja dodatni element na profilu aplikanta na GMP, a koji će biti evaluiran u drugoj fazi), finansijski i narativni izvještaji za prethodnu godinu kao i strateški ili akcioni plan organizacije. Rezultat ovog koraka je odabir aplikanata koji će biti na užem spisku organizacija koje su zadovoljile kriterije i bit će pozvane da učestvuju u drugoj fazi evaluacije. Tim evaluatora i Komisija za selekciju grantova će izvršiti ocjenu podnesenih prijava, u skladu s kriterijima navedenim u ovim smjernicama.

Broj aplikanata koji uđu u uži izbor bit će najmanje dvostruko veći od broja Core grantova koji će biti dodijeljeni putem ovog poziva (tj. minimalno **6 za Bosnu i Hercegovinu**).

- 2) Faza procjene uticaja – procjenitelji uticaja će izvršiti procjenu uticaja, koristeći posebno razvijen alat za ovu svrhu. To će uključivati različite metode prikupljanja i analize podataka i posjetu na licu mjesta organizaciji koja podnosi zahtjev i njenim *stakeholderima*. Procjenjivači će pripremiti Izvještaj o procjeni uticaja za svaku od OCD koje su ušle u uži izbor kako bi procijenili uticaj na njihovu zajednicu i na njihovu oblast rada.
- 3) Operativni budžet - predstavlja ukupni finansijski okvir koji je potreban organizaciji da finansijski podrži sve programske aktivnosti, ljudske kapacitete i operativne troškove kancelarije u 2024. godini. U operativnom budžetu je potrebno je naglasiti za koje programe i za koji dio ljudskih i operativnih kapaciteta su već osigurana sredstva, a koji iznos nije pokriven postojećim ugovorima i finansijskim sredstvima.

## **SPISAK POTREBNIH DOKUMENATA ZA PRIJAVU**

- Projektna prijava (Annex 2)
- Operativni budžet za 2024. (Annex 3)

## **PODNOŠENJE PRIJAVA**

Prijave trebaju biti dostavljene online putem Grant Management Platforme, <https://gmp.smartbalkansproject.org/> počev od 30.06.2023. do 31.07.2023. godine do 17:00h.

Pitanja vezana za ovaj poziv mogu biti poslana na e-mail [grants1@smartbalkansproject.org](mailto:grants1@smartbalkansproject.org) najkasnije do 16.7. do 12:00h.

Online info sesija će biti organizovana 12.07.2022. u 14:00h. Prijave za sesiju se mogu izvršiti [putem linka](#)

Odgovori na sva pitanja će biti objavljeni na GMP, ne kasnije od 10 dana prije roka za dostavljanje aplikacija

## **VREMENSKI OKVIR JAVNOG POZIVA**

<b>Vremenski okvir javnog poziva</b>	<b>Rok</b>
Objava Javnog poziva	30.06.2023.
Online info sesija u vezi sa pozivom i procedurom prijave	12.07.2023.
Pitanja u vezi sa pozivom i procedurom prijave	16.07.2023.
Objava odgovora na zaprimljena pitanja	20.07.2023.
<b>Podnošenje prijava za Core grantove</b>	<b>31.07.2023.</b>
Evaluacija i procjena prijava za Core grantove*	Septembar 2023.
Procjena uticaja u zajednici aplikantata za Core grantove*	Oktobar 2023.
Objava rezultata poziva*	Novembar 2023.
Potpisivanje ugovora sa odabranim korisnicima Core granta*	Decembar 2023.

*\*Okvirni plan*

Konzorcij zadržava pravo promjene vremenskog okvira jer period procjene može varirati u zavisnosti od broja primljenih prijava.

**KRITERIJI ZA PROCJENU**

Kriteriji za procjenu su raspoređeni u naslove i podnaslove. Svaki podnaslov će dobiti ocjenu od 1 do 5 i to: 1 = vrlo loše; 2 = loše; 3 = dovoljno; 4 = dobro; 5 = vrlo dobro.

KRITERIJI		Ocjene*
<b>1.</b>	<b>Resursi</b>	
1.1.	Pouzdana tehnička infrastruktura organizacije	5
1.2.	Snažni ljudski resursi, posvećeni misiji organizacije, specifična stručnost	5
1.3.	Angažovanje volontera i volonterski i kratkoročnih konsultanata/tica	5
1.4.	Raznovrsni izvori prihoda, odgovarajuća strategija prikupljanja sredstava	5
<b>podzbir</b>		<b>20</b>
<b>2.</b>	<b>Relevantnost</b>	
2.1	Jasna misija, vizija i strategija, snažno i posvećeno vodstvo i menadžment, spremni za saradnju i učenje	5
2.2	Relevantno iskustvo i planovi u najmanje jednoj od dvije oblasti SMART Balkan projekta.	5
2.3	Ciljne grupe, njihov broj i vrsta. Jasno definisane potrebe i ograničenja	5
<b>podzbir</b>		<b>15</b>
<b>3.</b>	<b>Uticaj u zajednici</b>	
3.1	Dobri odnosi sa različitim zainteresovanim stranama/sektorima	5
3.2	Saradnja sa drugim OCD i drugim zainteresovanim stranama kroz različite mreže	5
3.3	Opipljivi rezultati zagovaranja	5
<b>podzbir</b>		<b>15</b>
<b>4.</b>	<b>Transparentnost</b> (podrazumijeva otvorenost, komunikaciju i odgovornost)	
4.1	OCD su transparentne prema svojim partnerima i javnosti (javne informacije o misiji, viziji, rukovodstvu i osoblju organizacije, godišnji izvještaji, finansijski izvještaji, statut, proces nabavke)	5
4.2	Obuhvat javnosti kroz komunikacijske kanale	5
<b>podzbir</b>		<b>10</b>
<b>5.</b>	<b>Potencijal za rast</b>	
5.1	Jasna vizija razvoja	10
5.2	Strateški i operativni planovi	5
5.3.	Realan i jasan operativni budžet	5
5.4.	Komparativna prednost	5
<b>podzbir</b>		<b>25</b>
<b>6.</b>	<b>Program rada</b>	
6.1	Aplikant se fokusira na pitanja koja se tiču cijele zajednice i saradnju i prihvata doprinose svih zainteresovanih strana i interdisciplinarnih mreža	5

KRITERIJI		Ocjene*
6.2	Organizacija ima znanje, vještine i kapacitet da dizajnira, utiče, promoviše i sprovedi promjene usmjerene na rezultate	5
6.3	Vrijednosti organizacije aplikanta su u potpunosti usklađene sa vrijednostima projekta SMART Balkan	5
<b>podzbir</b>		<b>15</b>
<b>UKUPNI BROJ BODOVA</b>		<b>100</b>

Samo prijave sa ukupnim rezultatom od minimalno 70 bodova će se razmatrati za uži krug.

Prijave sa ukupnim rezultatom za kriterij 2. Relevantnost sa manje od 9 bodova neće biti razmatrane u užem krugu.

### **PROCJENA UTICAJA – korak 2**

Na osnovu evaluacije primljenih prijava za Core grantove i upitnika za samoprocjenu aplikantata, Komisija za selekciju će odlučiti o užem izboru aplikantata.

Procjenu uticaja u zajednici će izvršiti vanjski procjenitelji uticaja, koje će angažovati SMART Balkan projekat. Ovaj alat za procjenu je sveobuhvatan, praktičan i jednostavan, posebno dizajniran da pomogne OCD da definišu snage i slabosti, da imaju priliku za nezavisan i objektivan uvid, koji je neophodan za planiranje strateškog razvoja OCD.

Konačnu odluku o dodjeli core grantova i listi uspješnih aplikantata dati će Komisija za selekciju, na osnovu izvještaja o procjeni uticaja. Posebna pažnja biće posvećena balansiranju dodijeljenih projekata u obje oblasti: sigurnost i stabilnost i upravljanje.

### **PRAVO NA ŽALBU**

Pravo na žalbu imaju svi neuspješni aplikanti u roku od **7 dana** od primitka *Obavijesti neuspješnom aplikantu*, putem maila [grants1@smartbalkansproject.org](mailto:grants1@smartbalkansproject.org) kako tokom prvog kruga evaluacije pristiglih prijava, tako i nakon dostavljanja rezultata drugog kruga.

SMART Balkans projekat će odgovoriti na sve potencijalne žalbe u roku od **10 radnih dana** od primitka žalbe. Sva prepiska se mora obaviti pismenim putem, na engleskom i lokalnim jezicima.